

咸陽縣志

咸陽縣志卷五

知縣臧應桐望青氏纂脩

闔邑紳士參訂

古蹟

古都會地鉅制鴻觀秦宮漢苑綿亘長安雖閱異代名
號不刊探竒索隱大懼雕殘折衷聞見鼎彝敦盤旁連
佳勝藉正文壇述古蹟

都城

王季都 在縣北二十一里即今安陵處

文都 在縣南四十里即今鮮原文王居此後人遂以名

其地

武都 在縣南二十五里張志武王自豐遷鎬於此建都
後人因名其地

鎬京故城 在縣東二十五里武王所都之城詩曰考卜
維王宅是鎬京帝王世記曰武王遷鎬諸侯宗之是為
宗周在長安咸陽之間去豐二十五里即其故地

北斗城 在縣東二十里張志本秦離宮漢高帝自櫟陽
徙都於此四圍六十里南為南斗形北為北斗形因以
名城

咸陽城 在縣東二十里三輔黃圖自秦孝公作咸陽築

漢關徙都之以至始皇帝胡亥並都此城

蕭城 在縣東北四十里馬志在漢高祖長陵之北世傳

蕭何築城以守長陵故名

長陵城 在縣東北境上翰墨全書云高帝長陵右因以

為城謂即蕭城者非是

斗牛城 在縣東二十里張志漢武帝時建

天漢城 在縣東十里張志漢武天漢四年建故名

陽甲城西關 在趙村即今東嶽廟有邑令張允登碑記

渭城 在縣東境雍錄唐世多事四域故行役者以出陽

關為言既渡渭以及渭城則趨玉門陽關者皆由此始

程伯園 在縣西北二十一里即安陵故城也

隋故縣城 在縣北二十里

唐故縣城 在杜郵館西城高一丈五尺今遺址尚存

宮殿

冀闕 史記秦本紀秦孝公作咸陽築冀闕徙都之冀猶
記事闕即象闕在咸陽城中

咸陽宮 秦始皇本紀諸廟及章臺上林皆在渭南破諸

侯歸寫倣其宮室作之咸陽北坂上南臨渭自雍門以

東至涇渭殿屋複道周圍相屬所得諸侯皆入以充入

之三輔黃圖始皇窮極奢侈築咸陽宮史記始皇三十

四年置酒咸陽周書宣本紀宣帝大象二年四月祈雨
至咸陽宮

阿房宮 在縣東三十里史記本紀始皇三十五年營作

朝宮於渭南上林苑中先作前殿阿房宮東西五百步南
北五十丈上可以坐萬人下可以建五丈旗周馳為閣
道自前殿直抵南山表南山之巔以為闕為複道自阿
房渡渭屬之咸陽以象天極閣道絕漢抵營室括地志
曰阿房宮亦曰阿城東方朔傳注阿城本阿房宮以其
墻壁崇廣故俗呼為阿城三輔黃圖阿房前殿以木蘭
為梁以磁石為門三輔舊事阿房宮東西三里南北五

里庭中可受十萬人車行酒騎行炙千人唱萬人和
天下之兵聚之咸陽銷鋒鏑以為金人十二立於宮前
索隱曰阿房以其形名宮言四阿房廣也師古曰言殿
之四阿皆為房也房或作旁以其去咸陽近故號阿旁
阿近也二世元年復作阿房室

甘泉宮 雍錄古以甘泉名宮者三秦之甘泉在渭南漢
之甘泉在雲陽磨石嶺隋之甘泉在鄠縣秦之甘泉又
嘗明言在渭之南而不言其在渭南何地者按始皇本
紀迎太后於雍入咸陽復居甘泉宮徐廣曰表云咸陽
南宮也秦時咸陽跨渭南北則此宮不在渭北之咸陽

而在渭南之咸陽甘泉前後必近上林苑即鄠縣也
秦之甘泉與隋之甘泉正同一地安知隋宮不襲秦
宮名耶

蘭池宮 在縣東二十五里始皇嘗與武士微行逢盜
此

信宮 在縣渭水南史記始皇二十七年作信宮已而更
名極廟取象天極自極廟道通驪山作甘泉前殿蓋
道自咸陽屬之

望夷宮 在縣北四十里始皇建此以望北夷樓高五十
丈唐武后改為佛地塑畫蓋造皆唐人名手

薄后宮 在縣北洪瀆原地名李家堡西門牆上嵌白石

七八塊質細膩無滓方如棋枰人傳此為薄太后宮

歸元宮 在縣東二十里漢書外戚傳馮昭儀與子信都

王居此宮

葡萄宮 在上林苑西古志舊屬咸陽漢哀帝元壽三年

單于來朝以太歲厭勝所舍之此宮

望賢宮 在縣東數里元宗幸蜀還肅宗至望賢宮奉迎

德宗西幸又自望賢宮出奉天也本雍錄

天聖宮 在縣西北三里大魏村此唐宮名也至洪武六

年廢壞呂氏祖謙碑記尚存

在縣境內吉志始皇建

在未央宮西台志舊屬咸陽漢景帝王美人七

月七日旦生武帝於此殿即崇芳閣

金華殿

在未央宮西台志舊屬咸陽成帝初張禹入講

論語尚書於此殿

正堂殿

在未央宮西台志舊屬咸陽楊雄傳歷金馬玉堂即

此

真叙樓

在縣前呂志漢書帝建元始口交更關泰二世

具文樓

吉志以其中刻金更常青故名即鳳凰闕也舊

屬咸陽

咸陽縣志

卷五

宮殿

五

井幹樓 在未央宮西吉志舊屬咸陽漢建章宮南高五十丈武帝建張衡賦井幹疊而百層即此

凌雲閣 在咸陽縣境吉志漢宮殿疏曰凌雲閣秦二世建高與南山齊

石渠閣 吉志蕭何建以藏入關所得圖書宣帝時亦藏秘書於此其下礧石為渠舊屬咸陽

天祿閣 吉志蕭何建藏典籍之所在未央宮前舊屬咸陽

麒麟閣

吉志蕭何建藏秘書處賢才也在未央宮前

屬咸陽

苑囿

靈囿 在縣東四十里周文王囿

甘泉苑 在縣境甘泉北漢武帝置西入扶風周圍五百

四十里

西郊苑 在縣境西張志漢西郊有苑林四百餘里離宮

別館三百餘所屬咸陽

北坂上 在縣境北舊志始皇初諸廟及章臺上林皆在

渭南後破諸侯寫倣其宮室作於咸陽北坂上

神道路 在縣東北三十里古志漢諸宮留此路以迎神

六岡 天祿識餘咸陽有六岡如乾之六爻唐時宮殿皆

在九二岡上而作太清宮於九五岡上百官府在九四
岡上

臺池

靈臺 在縣東南五十里周文王臺望氛祲察災祥時造
觀節勞逸以其不日而成故名今屬長安

釣魚臺 在縣西十五里舊志說苑云周東海士人呂尚
垂釣於此舊有廟碑今雖久廢至於日啣西山暮氣蒸
鬱但見臺色如曉變化萬狀唐胡元質有詩故景曰漁
臺晚釣

承露臺

在縣東三十五里舊志漢武帝建又名通天臺

漢舊儀云去地百餘丈武帝祭太乙舞八歲童女三百人以候天神既降祭所若大流星乃舉烽火而就行宮望拜上有承露盤仙人掌擎玉杯以承雲表之露元鳳間自毀椽桷皆化為龍鳳從風雨飛去

神明臺 在縣境東北舊志在建章宮西以其於此而望神故名

豫章臺 在縣南十五里舊志在昆明池內周五里

習仙臺 在李夫人墓西一里舊志武帝悼夫人之亡建此臺而欲其登仙也

靈沼 在縣東四十里周文王囿中之池

鎬池 在昆明池北舊志即周之故都也周匝二十二里

圖經云鎬水自鄧縣界流至咸陽界十里入清渠

牛首池 在縣南八里東張村長二丈餘濶一丈五尺許

水深碧荇藻差史記秦上林苑傍有牛首池即此也

野韭澤 在牛首池北里許舊志上林苑十池之一也

東西長八里南北濶六里其地皆不可耕有不樹而生

之韭至今土人猶採食之

蘭池 在縣東二十五里即秦之蘭池也舊志始皇三十

一年為微行與武士四人俱夜出逢盜於此

昆明池 在縣境東舊志武帝元狩元年鑿以習水戰

周圍四里西南夷傳曰天子遣使求身毒國市竹而為
昆明所閉天子欲伐之越雋昆明國有滇池方三百里
故作昆明池以象之乃習水戰因名昆明舊屬咸陽今
水出長安

按史記始皇令咸陽之旁二百里內為宮觀二百七十
複道相連幃帳鼓鐘周遭充具宮殿之多建築之盛至
不可枚舉漢書武帝內外宮觀一百四十五是始皇以
後極京國繁華之勝者漢武之代亦稱陵鑠隋唐然秦
都咸陽千里甸服漢稱咸陽為畿內地千里規方京兆
治之故其盛如此今一邑咸陽不及百里耳應桐謹按

通志詳攷舊乘以及三輔黃圖諸書凡確隸咸境者覈明收入如係舊稱咸原今割分隣邑者槩不混一濫登而所列宮殿臺池已有如此之多雖不無夕陽衰草寒蟬暮鴉之感而故址尚存遺老有能指其處者遂分類章之特為標出一以見增損之制一以見興廢之由俾好古君子而欲知前代都宮之舊于此有所考據云

遺勝備紀

杜郵亭 在縣東北十里水經注杜郵亭今名孝里亭中有白起祠史記秦昭王使人遣白起不許留咸陽中至杜郵王令使者賜劍自殺武安君引劍良久曰長平之